



Ulloq: 16. juni 2025
Allaffik: Nordatlantkontoret
Sulia.sul.: Malene Juul
Suliap normua: 2025-02492
Takussutissiaq: 3707265

E Q I K K A A N E Q

**Kalaallit Nunaanni eqqartuussisarnermik inatsisip aamma
Kalaallit Nunaanni pinerluttulerinermi inatsisip
allanngortinneqarneri pillugit inatsisissatut siunnersuut
(Kalaallit Nunaanni eqqartuussisarnermik inatsimmi
malittarisassat il.il. nutarterneqarnerat)**

Kalaallit Nunaanni eqqartuussivinni suliat suliarineqartarnerannut piffissap atorneqartartup appartinneqarnissaannut isumalluutit atorneqarsinnaalernissaat siunertaralugu Rørdamsudvalg-imit siunnersuutit aamma Retsplejeråd-imit innersuussutit malitsigisaannik eqqartuussisarnerup piuminarnerulernissaa siunertaralugu allannguutit suliarineqartut, Kalaallit Nunaanni aamma naammassineqarnissaat naleqquttuunersoq, Inatsiseqarnermut ministereqarfiup Naalakkersuisut peqatigalugit nalilissagaat, partiit isumaqatigiissusiortut isumaqatigiissutigigaat, 2024-imiit 2027 ilanngullugu eqqartuussiviit aningaasaqarnerat pillugu isumaqatigiissummi takuneqarsinnaavoq.

Tamanna tunngavigalugu qallunaat eqqartuussisaasianni piuminarsaanissaq siunertaralugu allannguutit qallunaat eqqartuussisarnermik inatsisaanni suliarineqartut, naleqquttumik annertussusilimmik Kalaallit Nunaanni eqqartuussisarnermik

inatsimmi, Kalaallit Nunaanni pissutsit malitsigisaannik
allanngortillugit, soorlu aamma Kalaallit Nunaanni naalagaaffiup
oqartussaasuisa kissaateqarnerat malillugit malittarisassat
piuminarsarneqarneri suli allat siunnersuutigineqartut
naammassineqarnissaat, inatsisissatut siunnersuutip siunertarivaa.

Kalaallit Nunaanni Eqqartuussiveqarneq pillugu Siunnersuisoqatigiit
oqallittarnerat aamma tamanna pillugu siunnersuisoqatigiit ataanni
eqqartuussiveqarnermi sullissisut suliatik pillugit
ilinniarsimasunngornissaat pillugu Suleqatigiissitat
isumaliutiginninnerat tunngavigalugu najukkani eqqartuussivinni
illersuisut ivertinneqartarnerat pillugu malittarisassat
allanngortinneqarnissaannik inatsisissatut siunnersuut aammattaaq
siunertaqarpoq.

Naggataagut eqqartuussiviit iluini eqqartuussiviillu silataanni assinik
videonillu immiussisarneq pillugu eqqartuussisarnermik inatsimmi
malittarisassat atuuttut, pineqartoq immiussinissamik
akuersissuteqarsimanngippat, eqqartuussiviit illutaasa silataanni
pissutissalimmik pasisap, unnerluunneqartup aamma ilisimannittut
assitalerlugit immiunneqarnissaannut inerteqquteqarnissamik
ilaneqarnissaat, inatsisissatut siunnersuutip siunertaraa.

Eqqartuussisarnerup naammassiuminarnerulersinneqarnissaanut,
pinerluttulerinermik suliat suliarineqartarneranni
eqqartuussisooqataasut peqataasarnerat pillugu aalajangersakkat
arlallit allanngortinneqarnissaat, *siullertut* siunnersuutigineqarpoq

Naak suliap suliarineqarnerani eqqartuussisooqataasut piffissaq
qinigaaffitsik naareersimagaluaaraat, suliaq aallaqqaataanit
suliareqqinnagu, pinerluttulerinermik suliaq naammassillugu
suliarisinnaasariaqaraat, taamaalilluni siunnersuutigineqarpoq.

Pisuuneq pillugu apeqqutip aalajangiiffigineqarneranut aamma
iliusereriikkamut kingunerititat aalajangersarneqarnerannut
eqqartuussisooqataasut peqataasarnissaat killilerneqassasoq
aammattaaq siunnersuutigineqarpoq, taamaalilluni

pinerluttulerinermik suliat suliarineqarnerisa nalaanni
eqqartuussinerni allani imaluunniit aalajangiinerni
peqataasassanngillat.

Qaqugukkut pinerluttulerinermik suliame, inissiisarfimmi
piumasaqaatitaqartumik imaluunniit piunasaqaatitaqanngitsumik
inissinneqarnissamik annerpaamik ullunik 30-inik
sivisussuseqartumit sivisunerusumik pineqaatissiisoqartussaatiillugu
eqqartuussisooqataasut peqataasarnissaannut killiliussap
qaffanneqarnissaa tamatuma saniatigut siunnersuutigineqarpoq.

Pinerluttulerinermik suliani, suliap unnerluussaasumut
pingaaruteqassusaa pillugu eqqartuussiviup piviusumik naliliinerata
kingorna, suliap eqqartuussisooqataasut peqataatiillugit
aalajangiiffigineqarnissaa aalajanginngippagu, tassani
pinerluttulerinermi inatsimmi kapitali 33 malillugu pineqaatissiineq
eqqartuussutaareersup attatiinnarneqarnissaa pillugu
unnerluussisussaatiitaasut piunasaqaateqartillugit,
eqqartuussisooqataasut peqataasannginnissaat aammattaaq
siunnersuutigineqarpoq.

Pinerluttulerinermik suliani, tassani pinerluttulerinermi inatsimmi
kapitali 33 malillugu pineqaatissiinissaq pillugu allakkut
apeqqutaatiillugu, pissutissalimmik pasisap pasilliut taassumalu
pingaassusaa paasillugu suliap nassuernertut suliarineqarnissaa
akuersissutigippagu, pinerluttulerinermik suliat nassuernertut
sularineqarsinnaasariaqartut, naggataagut siunnersuutigineqarpoq.
Nassuernermik suliani, tassani pinerluttulerinermi inatsimmi kapitali
33 malillugu pineqaatissiinissaq apeqqutaatiillugu, illersuisup
peqataanerata pinngitsuugassaannnginnissaa, tassunga atatiillugu
siunnersuutigineqarpoq.

Eqqartuussisarnerup naammassiuminarnerulersinneqarnissaanut,
ingerlatitseqqitassanngortitsisarnerup killilerneqarnissaata
naammassineqarnissaa *aappaattut* siunnersuutigineqarpoq,
taamaalilluni inuit sakkutuujunngitsut pillugit suliat, Nunatsinni
Eqqartuussivimmit eqqartuussutigineqartut, naammagittaalliummi

piumasaqaat aningaasanut tunngasumik annerpaamik 50.000 kr.-inik naleqarpat, taamaallaat Ingerlatitseqqinnissamik aalajangiisartut akuersissuteqarnerisigut naammagittaalliuutigineqarsinnaalissapput. Naammagittaalliuutit pillugit suliani aningaasatigut naleqanngitsuni, naammagittaalliuuteqarnissamut akuersissummik peqqaarnissaq pillugu piumasaqaat atuutissanngilaq. Inuit sakkutuujunngitsut pillugit suliani suliamut aningaasartuutit aalajangiinerillu allat pillugit suliani aningaasartuutit pillugit eqqartuussutini aalajangersakkat, Nunatsinni Eqqartuussivimmit aalajangiiffigineqartut, suliami aningaasartuutit 50.000 kr.-it sinnerlugit aalajangersaavigineqarpata, siunissami Ingerlatitseqqinnissamik aalajangiisartut akuersissuteqarnerisigut naammagittaalliuutigineqarsinnaasariaqartut, aammattaaq siunnersuutigineqarpoq.

Eqqartuussisarnerup naammassiuminarnerulersinneqarnissaanut, akuusut- aamma ilisimannittut allakkatigut nalunaarutaasa atorneqarnissaanut periarfissap soqutigineqarnerunissaa *pingajuattut siunnersuutigineqarpoq.*

Akiligassaqaarfik, aningaasat pillugit piumasaqaatimi matussusernissaanut akiliussinernik naammattunik pisimanngitsoq, akiliisitsiniarnermit kingullermit qaammatit 12 ingerlareerneranni, akiliussinerup suliarineqarnissaanik (akiligassanut akilerneqareersussaagaluanut imaluunniit taakku ilaasa akilerneqarnissaat siunertaralugu, akiitsullip pigisaani nalilinni qularnaveeqqusiisummik tigusinissamik suliarinninneq) pillugu aatsaat pinngitsaalilluni naammassinninnissamik nutaamik noqqaassuteqarsinnaasoq, *sisamaattut* siunnersuutigineqarpoq.

Eqqartuussisarnerup naammassiuminarnerulersinneqarnissaanut, eqqartuussummi suliap naatsumik saqqummiunneqarneranik imaqaarnissaa siunissami nalinginnaasumik naammassasoq, aamma eqqartuussummi nassuiaatit nassuiaatigineqarsimasut oqaluttuareqqinneqarnerat piumasaqaataassanngitsoq, *tallimaattut* siunnersuutigineqarpoq.

Eqqartuussisarnerup naammassiuminarnerulersinneqarnissaanut, akuusut- aamma ilisimannittut nassuiaataat, videokkut attaveqaat atorlugu naammassineqartut pillugit, suleriaaseq pillugu eqqartuussisarnermik inatsimmi malittarisassat allanngortinneqarnissaat, taamaalilluni eqqartuussivik, akuusut tamanna isumaqatigiissutigippassuk, inuit sakkutuujunngitsut pillugit suliami akuusup imaluunniit ilisimannittup, eqqartuussivimmut imaluunniit sumiiffimmi allami akuerisaasumi takkutinngikkaluarluni, nalunaarasuartaatitigut atassuteqaatip assitallip atorneratigut nassuiaasinnaanera eqqartuussiviup akuerisinnaagaa, *arferngattut* siunnersuutigineqarpoq.

Eqqartuussisarnerup naammassiuminarnerulersinneqarnissaanut, pisunut, tassani eqqartuussummik pingaaruteqanngitsumik ilassutitut pillammik eqqartuussisoqarnissaa naatsorsuutigineqartillugu soorlu aamma unnerluussummik isumalluutitut tunngasut pissutigalugit taamaatiinnartitsinissamut unnerluussisussaataasut periarfissaasa annertusineqarnissaat, soorlu aamma siunnersuutigineqartoq, pinerluttulerinermik inatsimmi § 6 (iliuutsip assinganut nunami allami iliuusereriikkamut kingunerititaqarfigineqarnissamik naalakkiuteqartoqarsimatillugu inummik eqqartuussisutigoortitsineq) imaluunniit § 124 (inuk, eqqartuussaareersoq, aamma eqqartuussut sioqqullugu inatsimmik inoqqutitsinermik pisuutitaasoq), pissutissalimmik pasisaq pisuutitaappat, atorneqarsinnaassasoq, *arfineq aappaattut* siunnersuutigineqarpoq.

Eqqartuussisarnerup naammassiuminarnerulersinneqarnissaanut, pinerluttulerinermik suliaq eqqartuussutaasimasoq pillugu aallartitseqqinnissaq pillugu Den Særlige Klageret-imut eqqartuussap noqqaassuteqarnera, paasissutissat pisariaqartinneqartut tamaasa ataatsimoortillugit aamma ajornaatsumik tiguneqarnissaat siunertaralugu, immersugassami, Domstolsstyrelsimit suliarineqartumi immersuinikkut tunniunneqassasoq, *arfineq pingajuattut* siunnersuutigineqarpoq.

Malittarisassanik piuminarsaanerit qulaani taaneqartut saniatigut, illersuisut ivertinneqartarnerat pillugit malittarisassat

allanngortinneqarnissaat aammattaaq siunnersuutigineqarpoq, taamaalilluni suliani immikkut ittumik ilungersunassusilinni, taakkunani toqutsineq, pinngitsaaliilluni atoqateqarneq imaluunniit ingasattumik nakuuserneq tamatigut ilaatinneqarlutik, aamma suliani, taakkunani unnerluussisussaataitasut tigummigallagaanissamik piumasagaateqarneranni, pingaarnertut malittarisassaq malillugu eqqartuussissuserisumik imaluunniit illersuisumik akuerisaasumik, inatsisilerinermut tunngasumik kandidatitut angusilluni soraarummeersimasumik najukkami eqqartuussivik siunissami iveritissisaaq. Unnerluussutip taamaatiinnarneqarnerata aamma unnerluussummik tunuartitsinerup allanngortinneqarnissaanut piffissaliussap massakkut qaammatinit 3-nit qaammatinut 4-nut sivitsorneqarnissaa aammattaaq siunnersuutigineqarpoq. Taamaaliornerup ilaatigut unnerluussutip taamaatiinnarneqarnera, suliap annertunerusumik malersorneqarsinnaajunnaarneranik taamaaliortoqanngippat kinguneqarsinnaasoq, pillugu aalajangiinerit pillugit naammagittaalliutinik kukkussuteqartoqarsimappallu kukkussutaasut naqqinneqarnissaannut oqartussaasut piffissaqarnerulersissavai. Taarsiivigineqarnissamik piumasagaatit, taarsiissuteqartarneq pillugu malittarisassat nalinginnaasut tunngavigalugit piumasarineqartut, taakkunani oqartussaasuni suliamik suliarinninnermi kukkussuteqarneq pissutigalugu suliani aalajangersimasumik suussusilinni pisuni pingasuni immikkoortitikkani, unnerluussutip taamaatiinnarneqarnera imaluunniit unnerluussummik tunuartitsineq pillugu naammagittaalliornissamut piffissaqarsimanngitsunut, eqqartuussisarnermik inatsimmi kapitali 42-mi ingerlatseriaaseq piuminartoq malillugu taarsiivigineqarnissamik piumasagaatip suliarineqarnissaanut periarfissaliisummik eqqussisoqarnissaa aammattaaq siunnersuutigineqarpoq.

Eqqartuussivimmi eqqartuussiviullu silataani assinik videonillu immiussineq pillugu eqqartuussisarnermi malittarisassat, pineqartoq immiussinissamut akuersissuteqarsimanngippat, pissutissalimmik pasisap, unnerluunneqartup aamma ilisimannittut, pinerluttulerinermik suliami eqqartuussinissamukartut imaluunniit anisut, eqqartuussiviup illutaasa silataanni assitalerlugit

immiunneqarnissaannut inerteqquteqarnissamik ilaneqarnissaat,
naggataagut siunnersuutigineqarpoq.

Pinerluttulerinermi inatsisip allanngortinneqarnissaanik inatsisissatut
siunnersuut aammattaaq imaqarpoq, taannalu qallunaat
eqqartuussivikkoortitsisarnerata piuminarsarneqarnissaa
siunertaralugu qallunaat pillasarnermik inatsisaanni
allanngortitsinerit suliarineqarsimasut assinguvoq,
allanngortitsinerullu iliuuseqartup, naak iliuuseqartoq imminut
unnerluutigisimanngikkaluartoq, aamma naak nassuerneq
tamakkiisuunngikkaluartoq, pissutsit, pineqaatissiinermik
annikinnerusumik akuliuffiusumik, imaluunniit pissutsit
assigiinngitsut malillugit pineqaatissiisoqarsinnaannginneranik
tunngaveqartitsinermik kinguneqarsinnaavoq.

Inatsimmi allanngortitsinerit ulloq [ulloq] atuutilissasut
siunnersuutigineqarpoq.